

**JAMUHURI YA MUUNGANO WA TANZANIA
WIZARA YA AFYA**



**MKATABA WA UNUNUZI WA VIFAA VYA TEHAMA KWA AJILI YA
UFUNGAJI MFUMO KATIKA CHUMBA CHA TELEMEDICINE
KATIKA HOSPITALI YA RUFAA YA MKOA**

BAINA YA

HOSPITALI YA RUFAA YA MKOA WA MANYARA

NA

NETPHONE TECHNOLOGY

.....

Mkataba Huu Umeingiwa leo Tarehe²⁰..... Mwezi^A.....2022

KATI YA

Hospitali ya Rufaa ya Mkoa wa Manyara (ambaye atajulikana kama Mnunuzi kwa upande mmoja.)

NA

Netphone Technology wa **S.L.P 13992 Arusha** (ambaye atajulikana kama Mzabuni kwa upande mwingine).

KWA KUWA Hospitali ya Rufaa ya Mkoa wa Manyara iko tayari na inania na Inahitaji Vifaa vya Tehama Na kampuni ya **Netphone Technology** itahitajika uuzaji wa Vifaa hivyo vyote kwa masharti yatakayo ainishwa kwenye mkataba huu.

NA KWA KUWA kampuni iko tayari na inania na uwezo wa kuuza vifaa hivyo vya Umeme kwa kuzingatia makubaliano na masharti kama yalivyoainishwa hapa chini.

SASA WAHUSIKA WANAKUBALIANA YAFUATAYO;

1.0. MAELEZO YA VIFAA HIVYO

1.1. Mkataba huu utakuwa ni usambazaji wa vifaa vya Tehama katika Hospitali ya Rufaa ya Mkoa wa Manyara.

1.2. Vifaa vya Tehama ambavyo mzabuni ataleta katika Hospitali ya Rufaa ya Mkoa wa Manyara ni kama ilivyo orodheshwa hapa chini;

Na.	Aina ya Kifaa	Kizio	Idadi	Thamani	Gharama
1	Fiber optic SM, 9/125um, 24 core, OS2, PE, Black non armored	Mts	410	5,800	2,378,000/=
2	Fiber Optic Fusion Splice Protector Sleeves	Pcs	20	2,000	40,000/=
3	Fiber Pigtail 9/125um	Pcs	15	7800	117,000/=
4	FO Splice Closure	Pcs	3	150,000	450,000/=
5	CISCO GLC SFP Module	Pcs	6	150,000	900,000/=
6	Conduits pipe 1 inch	Pcs	10	4,000	40,000/=
7	Conduits Elbows 1 inch	Pcs	10	1,000	10,000/=

8	Conduits Elbows 1 inch	Pcs	10	1,000	10,000/=
9	PVC PIPE 1 st Grade 1 inch	Rolls	4	230,000	920,000/=
10	PVC PIPE Elbows 1 inch	Pcs	15	6,000	90,000/=
11	PVC PIPE Joints 1 inch	Pcs	15	6,000	90,000/=
12	FO 10/100Base-TX to 100Base FX Media converter	Pcs	2	150,000	300,000/=
	Labor Charge				2,000,000/=
	VAT (18%)				1,412,100/=
	GRAND TOTAL				8,757,100/=

NA KWA KUWA Mzabuni yuko tayari na ana uwezo wa kufanya kazi hiyo:

HIVYO BASI, WAHUSIKA WANAKUBALIANA KAMA IFUATAVYO:

1: MAELEZO YA KAZI.

Kazi zinazotakiwa kufanyika ni kama ifuatavyo:

- a) Kusambaza vifaa vya Tehama mpaka eneo husika.
- b) Vifaa vya Tehama vitakavyouzwa viwe vimekidhi viwango vya ubora kama ulivyoelekezwa kwenye nukuu za bei.

2: MUDA WA KUKAMILISHA KAZI/MUDA WA MKATABA.

Mzabuni amekubaliana na Mnunuzi kuleta vifaa vya Tehama tajwa hapo juu ndani ya miezi miwili, kuanzia pale mkataba utakapo sainiwa. Ieleweke wazi kuwa Mzabuni akishindwa kukamilisha kazi/usambazaji wa vifaa vya Tehama kwa muda waliokubaliana na Mnunuzi, atawajibika kumlipa Mnunuzi fidia ya ucheleweshaji (liquidated damage) ya asilimia moja (1%) ya gharama kwa siku kwa kila siku inayoongezeka baada ya kuvunja kipengele hiki cha Mkataba hadi atakapokamilisha kazi husika.

3. MALIPO KWA MZABUNI:

Mzabuni atalipwa malipo yake yote pale tu atakapomaliza kuleta vifaa vyote katika Hospitali ya Rufaa ya Mkoa wa Manyara na Hospitali kukagua na kujiridhisha kuwa vifaa vilivyoletwa vipo kwa mujibu wa mkataba wake ndipo Mzabuni atalipwa malipo yake ambayo ni kiasi cha **Tsh 8,757,100/= (Milioni Nane Laki Saba Eflu Hamsini na Saba na Mia Moja Tu)**

4. MAJUKUMU YA WAHUSIKA:

4.1 Majukumu ya Mzabuni

Mzabuni atatakiwa:

- (a) Kuleta vifaa vinavyohitajika na Mnunuzi kwa wakati na muda waliokubaliana.
- (b) Kutoa Huduma kwa viwango vilivyooneshwa na ubora unaotakiwa na Mnunuzi
- (c) Kuzingatia suala la muda katika kutekeleza wa huduma hiyo.
- (d) Kuzingatia uangalifu, uadilifu na uaminifu wakati wa kutekeleza Mkataba huu. Itakapobainika kuna udanganyifu katika kutekeleza kazi hii kinyume na makubaliano yaliyomo kwenye Mkataba huu, Mzabuni atalazimika kurejesha gharama zote za Mkataba huu na kufikishwa katika vyombo vya Sheria kwa hatua za kisheria zaidi;

4.2 MAJUKUMU YA MNUNUZI.

Mnunuzi atatakiwa:

- (a) Kumuwezesha Mzabuni kuwa na mazingira mazuri katika utekelezaji wa Mkataba huu, ikiwa ni pamoja na kukagua ubora wa huduma na kutoa ushauri au maelekezo pale inapohitajika kulingana na mahitaji ya Mnunuzi.
- (b) Kumlipa Mzabuni stahiki yake kama makubaliano yalivyo. Ieleweke kuwa Mnunuzi hatalipa malipo yoyote Kwa Mzabuni kabla ya kukamilisha kuleta vifaa kulingana na Mkataba huu. Aidha, Mnunuzi hatalipa kiasi chochote cha malipo kwa Mzabuni kama Mzabuni atashindwa kukamilisha kazi kwa wakati kulingana na Mkataba badala yake Mzabuni atatakiwa kulipa fidia ya ucheleweshaji vifaa kwa Mnunuzi.
- (c) Kukagua Vifaa vya Tehama vinavyoletwa na Mzabuni na kutoa ushirikiano unaofaa wakati Mnunuzi atakapohitaji kufanya hivyo.

5. MATUKIO YASİYOTARAJIWA (FORCE MAJEURE)

- 5.1 Matukio yasiyotarajiwa (**FORCE MAJEURE**) yana maana ya matukio yaliyo nje ya uwezo wa wahusika na ambayo hawakuweza kuyaona wakati wa kusaini Mkataba huu, ambapo matokeo yake yatasababisha Mzabuni asiweze kutekeleza Mkataba huu. Matukio hayo ni kama vita, vita vya kikabila, moto, mafuriko, mgomo, magonjwa ya mlipuko, Mabadiliko ya Sheria na mengineyo.

- 5.2 Matukio haya yatakapotokea wahusika wa Mkataba huu wataahirisha utekelezaji wa Mkataba huu bila kuwajibika kwa hasara itakayotokana na tukio husika, kwa kipindi na eneo linalohusika na lililoathiriwa na tukio husika.
- 5.3 Wahusika wa Mkataba huu watapeana taarifa haraka iwezekenavyo kabla ya kusimamisha kazi/ huduma. Kama taarifa ya awali imetolewa kwa njia isiyo ya maandishi, ndani ya masaa 24 taarifa iliyotolewa kwa njia isiyo ya maandishi itolewe kwa maandishi. Mawasiliano yote ya maandishi yatawasilishwa kwenye ofisi ya Mnunuzi na siyo sehemu nyingine yoyote.

6. UWAJIBIKAJI WA WAHUSIKA.

- 6.1 Mzabuni atawajibika kwa hasara, uharibifu na gharama zinazotokana na uzembe wake mwenyewe, mawakala wake au wafanyakazi wake wakati wa utekelezaji wa Mkataba huu.
- 6.2 Mnunuzi hatawajibika kwa hasara au uharibifu wowote utakaotokana na uzembe wa Mzabuni mwenyewe au Mawakala wake au wafanyakazi wake wakati wa utekelezaji wa Mkataba huu.

7. KUSULUHISHA MIGOGORO:

- 7.1 Wahusika wa Mkataba huu watatumia uwezo wao wenyewe kusuluhisha kwa amani migogoro na tofauti yoyote itakayojitokeza kati yao inayohusu utekelezaji wa Mkataba huu.
- 7.2 Endapo watahindwa kusuluhisha mgogoro au tofauti kati yao, mmoja wao atawasilisha mgogoro huo kwa msuluhishi kulingana na **Sheria ya Usuluhishi Na.2 ya mwaka 2020.**
- 7.3 Hatua ya mwisho itakuwa ni kwenda Mahakamani endapo wahusika watahindwa kusuluhisha mgogoro wao.

8. SHERIA ITAKAYOTUMIKA:

Mkataba huu utatafsiriwa na kuongozwa kwa mujibu wa Sheria za Jamhuri ya Muungano wa Tanzania.

9. MAELEKEZO/MAWASILIANO:

Maelekezo yanayotolewa na Mnunuzi yatakuwa kwa maandishi. Kwa sababu nyingine yoyote ile maelekezo hayo yanaweza yakatolewa kwa njia ya mdomo, Mzabuni atafuata maelekezo hayo. Katika muda usiozidi saa 72. Mnunuzi atatakiwa kuthibitisha kwa maandishi maelekezo aliyoyatoa awali kwa njia ya mdomo.

10. KUHAMISHA MKATABA/KUTOA KAZI KWA MZABUNI MSAIDIZI:

Uhawilishaji: Muuzaji hatahamisha jukumu lake la kimkataba iwe lote au sehemu ya majukumu yake kwa muuzaji mwingine kabla ya kupata idhini ya maandishi ya Mnunuzi.

11. VIFAA VYA TEHAMA VINAVYOWEZA KUKATALIWA:

Vifaa vya Tehama visivyo kidhi mahitaji, viwango na maelekezo ya Mnunuzi kama ilivyo elekezwa kwenye Mkataba vitakataliwa na Mnunuzi. Kwa maelekezo ya Mnunuzi, Mzabuni kwa gharama zake mwenyewe atabadilisha vifaa vya Tehama vitakavyokuwa vimekataliwa hadi kumridhisha Mnunuzi kikamilifu. Endapo Mzabuni atashindwa kufanya marekebisho au mabadiliko ya vifaa vya Tehama vilivyo kataliwa kwa wakati, Mnunuzi atahesabu hasara itakayosababishwa na uzembe huo na mzabuni atawajibika kama ilivyoelezwa katika Kifungu cha 4.1 hapo juu.

12. MABADILIKO YA BEI:

Hakuna mabadiliko yoyote ya bei yatakayofanyika katika kipindi chote cha utekelezaji wa mkataba huu.

13. KUVUNJA MKATABA:

13.1 Kama **Mzabuni** atashindwa kuanza kufanyakazi/ kutoa huduma katika muda uliopangwa au kuna sababu za kutosha kuamini kuwa hatakamilisha kutoa huduma yote katika muda uliopangwa au kuna ucheleweshaji uliokiuka tarehe na muda wa kukamilisha kutoa huduma au anashindwa kufuata moja ya masharti au hafuati maelekezo ya Mnunuzi au anakuwa mufilisi, Mnunuzi atakuwa na haki ya kuvunja mkataba na kutafuta **Mzabuni** mpya wa kufanya kazi hiyo.

14. MALIPO BAADA YA MKATABA KUVUNJIKA:

Kama Mkataba umevunjika, **Mzabuni** atalipwa na Mnunuzi fedha au maamuzi yatakayo kuwa bado hayajalipiwa katika malipo atakayokuwa amelipwa **Mzabuni** kwa uletaji wa vifaa hivyo vyote vitakayokuwa vimetolewa kwa Mnunuzi kabla ya kuvunjika Mkataba kwa kima na bei kama ilivyotolewa kwenye Mkataba.

15. TAMKO LA MZABUNI

15.1. Mimi NETPHONE TECHNOLOGY..... Ambaye ni MZABUNI.....
natamka wazi kwamba nimefanya utafiti wa kutosha kwa ajili ya Kufanya kazi/kutoa huduma hii ya uuzaji wa vifaa vya Tehama katika Hospitali ya Rufaa ya Mkoa wa Manyara kwa gharama ya **Tsh 8,757,100/=(Milioni Nane Laki Saba Eflu Hamsini na Saba na Mia Moja Tu)**

15.2 Gharama zote hizo zinajumuisha uuzaji wa Vifaa vya Tehama, Usafirishaji wa Vifaa, Kodi, na kwamba nisipotekeleza masharti ya mkataba huu ipasavyo hatua za kisheria zitachukuliwa dhidi yangu kwa mujibu wa mkataba huu. Pia natamka wazi kwamba MZABUNI sio mtumishi wa Hospitali ya Rufaa ya Mkoa wa Manyara, na kwamba endapo itathibitika nimedanganya hatua za kisheria zichukuliwe dhidi yangu.

ILI KUTHIBITISHA MAKUBALIANO HAYA, Wahusika wamesaini Mkataba huu kwa siku na tarehe kama inavyoonekana hapa chini:-

KWA UPANDE WA MNUNUZI MKATABA HUU UMESAINIWA NA:


JINA: KATHERINE MAGALI

CHEO: MCOANGA MFAWIDHI

SAHIHI: 

ANUANI: S.L.P. 577, BABATI, P.O. BOX 577

TAREHE: 20/04/2022



SHAHIDI:
JINA: AISHA ELIAS

CHEO: KATIBU WA AFYA


SAHIHI: 

ANUANI: S.L.P. 577, BABATI

TAREHE: 20.04.2022

KWA UPANDE WA MZABUNI MKATABA HUU UMESAINIWA NA:

JINA: JANEIH JACOB MTEUSA

SAHIHI: 

ANWANI: S.L.P. 13992 ARUSHA - TANZANIA

TAREHE: 20/4/2022

SHAHIDI:
JINA: ISMAILI IDAT

SAHIHI: 

CHEO: IT TECHNICIAN

ANWANI: 13992 - ARUSHA

TAREHE: 20/4/2022

